

## UMUMIY O'RTA TA'LIM MAKTABLARIDA CHIZMACHILIK FANIDAN TO'GARAK MASHG'ULOTLARINI TASHKIL ETISH METODIKASI

K.G. Malikov

Nizomiy nomidagi TDPU dotsenti v/b, PhD

### ANNOTATSIYA

Mazkur maqolada umumiy o'rta ta'lif maktablarida chizmachilik fanidan to'garak mashg'ulotlarini tashkil etish metodikasi bo'yicha tavsiyalar berilgan.

**Kalit so'zlar:** to'garak, o'quvchi, o'qituvchi, ustoz, ekskursiya, suhbat, iqtidorli o'quvchilar, individual.

### АННОТАЦИЯ

В данной статье даны рекомендации по методике организации занятий черчением в общеобразовательных школах.

**Ключевые слова:** Кружок, ученик, учитель, наставник, экскурсия, беседа, одаренные ученики, личность.

### ABSTRACT

This article gives recommendations on the methodology for organizing drawing classes in secondary schools.

**Keywords:** Circle, student, teacher, mentor, excursion, conversation, gifted students, personality.

Ma'lumki jamiyat rivojlanishining har bir bosqichida ta'lif mazmuni muayyan maqsad va vazifalarga ega bo'ladi. Ta'lif mazmuni davr talabi, nazariy bilim va ishlab chiqarish taraqqiyoti darajasiga mos ravishda o'zgarib turadi. Ta'lif mazmuni ijtimoiy hodisa sifatida maydonga keladi va u o'zining boshlang'ich davrida amaliy ahamiyat kasb etgan, ya'ni insonlarning hayotiy ehtiyojlari uchun zarur hisoblangan bilimga bo'lgan talabini qondirgan.

Mamlakatimizda texnologik ta'lif samaradorligini oshirish bo'yicha keng qamrovli ishlar olib borilib, ta'lif mazmunini loyihalash, kasbiy grafik kompetensiyalarni tuzilmalarga ajratish, o'qitishning yangi metodik modellarini yaratish va ularni ta'lif amaliyotida qo'llashga alohida e'tibor qaratilmoqda. Ta'lif mazmunini modernizasiyalash sharoitida bo'lajak texnologik ta'lif o'qituvchilaridan kasbiy grafik bilim, ko'nikma va malakalarni egallash va ularni texnologik ta'lif

jarayonida qo'llash talab etiladi. O'zbekiston Respublikasini yanada rivojlantirish bo'yicha Harakatlar strategiyasida "Uzluksiz ta'lim tizimini yanada takomillashtirish, sifatli ta'lim xizmatlari imkoniyatlarini oshirish, mehnat bozorining zamonaviy ehtiyojlariga muvofiq yuqori malakali kadrlar tayyorlash siyosatini davom ettirish" ustuvor vazifa sifatida belgilangan. Bunda bo'lajak o'qituvchilarda kasbiy grafik kompetentlikni rivojlantirish metodikasini takomillashtirish hamda kasbiy grafik faoliyatning reproduktiv, produktiv va kreativ darajalarini puxta egallashlari uchun barcha didaktik imkoniyatlarni ta'minlash dolzarb ahamiyat kasb etadi<sup>1</sup>.

Umumta'lim mакtablarida o'quvchilarga ta'lim berishning zamonaviy innovatsion usullarini joriy etish O'zbekiston Respublikasi iqtisodiyotkeyingi 10 yil ichida dunyoning taraqqiy etgan industrial-texnologik lokomativlari qatoriga kirishi, ya'ni 2030- yilga kelib iqtisodiyotning sanoat va texnologik tarmoqlari bo'yicha jahonda yetakchi davlatlardan biriga aylanishiga zamin yaratishda muhim shartlardan biridir. Bu esa sanoatning yetakchi tarmoqlarini modernizatsiyalash va raqobatdoshlikni kuchaytirish, sohaga ilg'or texnologiyalarni joriy etish, yuqori texnologiyali zavodlar, texnoparklar, ishlab chiqarish korxonalari tashkil etish, zamonaviy muhandislik-kommunikatsiya infratuzilmalarini barpo etishga yanada keng imkoniyatlar yaratadi.

Xalqimizda "Ta'lim va tarbiya – beshikdan boshlanadi", degan hikmatli so'z bor. Faqat ma'rifat insonni kamolga, jamiyatni taraqqiyotga yetaklaydi. Shu sababli mamlakatimizda ta'lim sohasidagi davlat siyosati uzluksiz ta'lim tizimi prinsipiga asoslangan, bola tug'ilganidan boshlab, 30 yoshgacha davrda uni har tomonlama qo'llab-quvvatlaydigan, hayotda munosib o'rin topishi uchun ko'mak beradigan, yaxlit va uzluksiz tizim yaratishga e'tibor qaratilmoqda.

Rivojlangan mamlakatlarda ta'limning to'liq sikliga investitsiya kiritishga, ya'ni, bola 3 yoshdan 22 yoshgacha bo'lgan davrda uning tarbiyasiga sarmoya sarflashga katta ahamiyat beriladi. Chunki ana shu sarmoya jamiyatga 15-17 barobar miqdorda foyda keltiradi. Bizda esa bu ko'rsatkich atigi 4 barobarni tashkil etadi. Binobarin, inson kapitaliga e'tiborni kuchaytirishimiz, buning uchun barcha imkoniyatlarni safarbar etishimiz shart.<sup>2</sup>

Bugungi kunda umumta'lim mакtablarida ta'lim olayotgan o'quvchilarda sanoati rivojlangaan mamlakatda ta'lim olishi, yashashi va ishlashi uchun zarur ko'nikmalarini shakllantirish dolzarb masalaga aylandi.

Umumiyl o'rta ta'lim muassasalarida chizmachilik fanini o'qitishning nazariy tizimlarini, asosiy tamoyillarini, dolzarb masalalarini, uning yechimlarini, maqsad va

<sup>1</sup> Ўзбекистон Республикаси Президентининг 2017 yill 7 февралдаги ПФ-4947-сонли "Ўзбекистон Республикасини янада ривожлантириш бўйича Харакатлар стратегияси тўгрисида"ги Фармони:// Ўзбекистон Республикаси Конун хужжатлари тўплами. –Т.: 2017. –Б.39.

<sup>2</sup> Shavkat Mirziyoyev. Yangi O'zbekiston taraqqiyot strategiyasi. –T., 2022 yil, "O'zbekiston" nashriyoti. 211- bet.

vazifalarini hamda ta’lim muassasalarida mazkur fanni o‘qitishning asosiy yo‘nalishlarini belgilab beradi, jumladan:

- umumiyl o‘rta ta’lim maktablarida o‘qitilayotgan chizmachilik fanini o‘qitishda uning ta’lim tizimida uzviylik va uzlucksizlikni ta’minlash;
- umumiyl o‘rta ta’lim maktablarida o‘quvchilarini milliy va umuminsoniy qadriyatlar asosida tarbiyalash;
- o‘quvchilarda mehnatsevarlik, tejamkorlik, tashabbuskorlik va tadbirkorlik sifatlarini tarkib toptirish;
- o‘quvchilarda mustaqil, ijodiy va innovatsion fikrlashni shakllantirish, o‘z-o‘zini rivojlantirish qobiliyatlarini tarkib toptirish bo‘yicha birqancha masalalarini o‘z ichiga olgan holda umumiyl o‘rta ta’lim muassasalarida chizmachilik fanida to‘garaklarni tashkil qilishda, to‘garak nizomini to‘g‘ri ishlab chiqish orqali iqtidorli o‘quvchilarini aniqlash, iqtidorli o‘quvchilar bilan ishlashni tashkil qilish orqali fan olimpiada turli tanlovlarda ishtirok etish bo‘yicha nizomlarni ishlab chiqishdan iboratdir.

Xalq ta’limi Vazirligining **2011 yil 4 iyuldagisi** “Maktablarda tashkil etiladigan to‘garaklar o‘quv dasturlarini tasdiqlash to‘g‘risida”gi **143-sonli** buyrug‘iga asosan to‘garaklar fan o‘qituvchilari tomonidan **1 stavka ish yuklamasi uchun haftasiga 2 soat** (1 soat “Past o‘zlashtiruvchi o‘quvchilar” uchun, 1 soat “Iqtidorli o‘quvchilar” uchun) o‘tilishi belgilab qo‘yilgan. Shuningdek, Xalq ta’limi vazirining **2017 yil 1 dekabrdagi** “Umumiyl o‘rta ta’lim muassasalarida ta’lim-tarbiya natijadorligini ta’minlashda xalq ta’limi boshqaruv idoralari va ta’lim muassasalari rahbarlari mas’uliyatini oshirish to‘g‘risida”gi **367-sonli** buyrug‘ining 7 bandida ham barcha fan o‘qituvchilari tomonidan (pedagogik yuklamasiga muvofiq o‘quvchilar bilan individual ishlash hisobidan) **haftasiga 2 marotaba 2 soatdan** fan to‘garaklari o‘tilishi lozimligi ko‘rsatib o‘tilgan.

Umumiyl o‘rta ta’lim maktablarida xar bir fanning to‘garaklari mavjud bo‘lib, chizmachilik fanidan ham to‘garak mashg‘ulotlari tashkil etilgan va shu tariqa xar bir fanning o‘z tuzilmasi bo‘lib faninng hayoti tadbig‘lari asosida nizomini ishlab chiqish, chizmachilik to‘garagida nizomiga quydagilarni keltirish mumkin, hamma fanlar kabi **umumiyl qoidalar**, chizmachilik to‘garagining **asosiy maqsad va** vazifalari, to‘garaga a’zolik **va** to‘garak a’zolarining huquq **va** burchlari, tashkil etish va rahbarlik qilish va natijali asosida bo‘lish kabi ishlarni o‘z ichiga olish kerak.

Umumiyl o‘rta ta’lim maktablarida chizmachilik fanida to‘garakning maqsadi dars mashg‘ulotlarda o‘quvchilarini ta’lim yo‘nalish va mutaxassisligi bo‘yicha o‘rgatish, dizayn tamoyillarini o‘z loyihibalarida to‘g‘ri qo‘llay bilishi hamada o‘quvchilarning bo‘sh vaqtlarini unumli va mazmunli o‘tkazishlariga, kasbiy faoliyatga yo‘llashga, aqliy hamda ijtimoiy foydali mehnat bilan mashg‘ul bo‘lishlariga o‘z mehnatlari

samarasidan bahramand bo‘lishlariga imkoniyat yaratadi. Shu bilan birga Chizmachilik fanining to‘garagining asosiy vazifasi o‘quvchilarning darsdan tashqari vaqtalarini to‘g‘ri tashkil qilish, o‘quvchilarni kasbiy fanlarini o‘rganishga qiziqishlarni oshirishdan iborat.

Bugungi kunda umumiy o‘rta ta’lim maktablarda chizmachilik fani to‘garalarida nizom asosida 20 tadan ortiq o‘quvchi faoliyat yuritadi, (agar o‘quvchi soni 30 nafardan oshsa u holda 2 guruhga bo‘lib boshqa bir kun yoki shu kuni boshqa soat belgilanadi) ular o‘zlarining ilmiy mahoratini ilmiy izlanishlar orqali yanada shakllantirib boradi. Ba’zi bir fan o‘qituvchilari to‘garak mashg‘ulotlarni darsdan tashqari mashg‘ulotlar bilan aralashtirib yuboradilar, darsdan tashqari qilinadigan ishlar dars reja asosida, ya’ni mакtab darsligi asosida darsga qaratilgan bo‘lib, bunda sinfdagi barcha o‘quvchilar bevosita ishtirot etadilar.<sup>1</sup>

To‘garak mashg‘ulotlardan asosiy maqsadi, maktabdagi fani reja va darslikdan tashqari o‘quvchilarga qo‘srimcha bilim, ko‘nikma va malakalar berish, ularning fanga bo‘lgan qiziqishlarini orttirish, olingan bilimlarni hayotga tadbiq qila bilishga yordam berishdan iborat. To‘garak uyushtiriladigan ishlarda ko‘riladigan masalalardan yana biri o‘quvchilarning ilmiy dunyo qarashlarini shakllantirish bo‘lsa, ikkinchi tomondan kasb tanlashga yo‘llashdan iboratdir.

Chizmachilik fanlaridan tashkil qilinadigan to‘garak mashg‘ulotlari o‘quvchilarning fan asoslarini o‘rganishga bo‘lgan qiziqishlarini orttirishi, qo‘srimcha adabiyotlar, fanga oid internet ma’lumotlaridan foydalana olish ko‘nikmasini o‘stirishi, mustaqil bilim olish ko‘nikmasini va ijodiy qobiliyatlarini rivojlantirishi, o‘quvchilarni ilmiy ijodiy ishlar bilan yaqindan tanishtirishi, kuzatish va tajribalar o‘tkazishga o‘rgatishi, mustaqil ravishda turli xil modellarni lohalashi hamda maketlarni yasay olishiga undaydi.<sup>2</sup>

Hozirgi zamon ilmiy-texnika taraqqiyoti davrida xar bir yoshning sanoat korxonalarida va qishloq xo‘jalik ishlab chiqarishida faol, ijodiy ishtirot etishi uchun fan va texnika yuzasidan mukammal bilimga ega bo‘lishi talab qilinmoqda. Chunki har bir yosh o‘zi egallagan kasblarning mohir ustasi bo‘lmog‘i shu kun talabidir.

Ta’lim sohasida yuqori kasbiy mahoratga ega bo‘lgan pedagog ham dars jarayonida o‘quvchilarni fan sohalarida erishilgan hamma yutuqlaridan xabardor qilish imkoniyatiga ega emas. Hozirgi rivojlanish davrida fan-texnika ko‘pgina tarmoqlari hamda ma’lumotlarining hajmi juda kengayib ketdi. Shuning uchun o‘quvchilarning fanga bo‘lgan qiziqishlari orqali to‘garak mashg‘uloti jarayonlarida qiziqishini oshirish

<sup>1</sup> O‘zbekiston milliy entsiklopediyasining. 1-12. -T.: (O‘zbekiston milliy entsiklopediyasi), davlat nashriyoti 2000-2006.

<sup>2</sup> Murodov Sh.K. Urishyev A., Tashimov N.E.. Qiziqarli geometrik yasashlar haqida//Jayhun. 2010-yil, 2-son.


bevosita rivojlantirish bilan birga, ularning yoshini hisobga olgan holda mustaqil ravishda qo'shimcha adabiyotlar, metodik tavsiya, ko'rgazma, ekskursiya, fan yetakchi olimlari bilan uchrashuvlar o'tkazish hamda turli tanlovlarga tavsiya etishi lozim. To'garak rahbari to'garak jarayonida o'quvchilarga chizmachilik fani o'rgatish emas balki kasbiy yo'nalishlar bilan bog'lagan holda umumiy yo'nalishlar ham berib boradi. To'garak ishlarini tashkil etishda o'qituvchi o'quvchi sharoitini hisobga olish muhimdir. Masalan, qishloq mакtablarida qishloq xo'jaligi texnikalariga va texnikaviy yo'nalishdagi kasb-hunar maktablari, umumta'lim maktablari sharoitini hisobga olib tashkil etilgan to'garak mashg'ulotlarining tashkil etilishi ijobiy natijalar beradi. Bunda o'quvchilarda kuzatuvchanlik, olingan natijalarni taqqoslash va tahlil qilish, xulosalar chiqarish, amaliy ko'nikma va malakalar hosil qilish xususiyatlari shakllana boradi.

**To'garaklarni olib borishda chizmachilik to'garagi oldiga qo'yiladigan talablar va bilish kerak bo'lgan hamda to'garak har bir a'zosi** konstruksiyalash borasida nazariy bilimlar, amaliy ko'nikmalar, fazoviy jismlarning geometrik tasavvuridan uning planimetrik tasviri (tekis chizmasi)ga o'tish va fazoviy jism elementlarining o'zaro munosabatlarini uning planimetrik tasviridan qayta fazoviy holatiga ko'chirib o'tish qonuniyatlarini tadqiq qilish, model, detal va buyumlarning ishchi chizmalarini tuzish va o'qish qonuniyatları mazmun va mohiyatini chuqr idrok etishi kerak. Shuningdek, fan mavzularini **bilishi**, grafika fanlari tarixi va rivojlanishi jarayonlariga uslubiy yondashuv hamda ilmiy dunyoqarashini shakllantirish, kelajakda o'zlarining texnik fikrlarini chizma orqali namoyon qilish, tasvirlangan har qanday buyum, yoki obyektlarning chizmasi bo'yicha ishlash jarayoni va konstruktiv tuzilishini tushunib olish va tasavvur qila olishga o'rgatish vazifalarini bajarishga oid nazariy bilim va **ko'nikmalariga ega bo'lishi**, o'quvchilar konstruksiyalash, loyihalash elementlari haqida umumiy tushuncha oladi hamda amaliyotda tadbiq qilishda individual va jamoaviy yondoshuv asosida **malakalariga ega bo'lishadi**.

To'garak ishlarda faqat bilim berishga berilib ketmasdan, ishning tarbiyaviy tomoniga jiddiy e'tibor berish lozimki, bu hol hozirgi sharoitda ayniqsa muhim. Shuningdek, o'quvchilarimiz mamlakatimiz davlat ramzları, tinchligi, osoyishtaligi, haqidagi bilimlarga ham ega bo'lishi lozim.

To'garak mushg'ulotlarida yoshlar turli-tuman kasb-hunarga oid amaliy ishlarni bajarishadi. Masalan, ko'rgazmalar tayyorlashi mumkin.

To‘garak olib boriladigan mashg‘ulotlar asosan 4 turga bo‘linadi 1-jadval:  
1-jadval



1. Ayrim o‘quvchilar bilan yakka tartibda olib boriladigan mashg‘ulotlar.
2. O‘quvchilar guruhi bilan olib boriladigan mashg‘ulotlar.
3. O‘quvchilar bilan jamoviy tartibda olib boriladigan mashg‘ulotlar.
4. Iqtidorli o‘quvchilar bilan ishlashni tashkil qilish.

Ayrim o‘quvchilar bilan yakka tartibda olib boriladigan to‘garak mashg‘ulotlarda zamaonaviy innovatsion texnologiyalar qo‘llashi, kreativlik faoliyatini rivojlantirish maqsadida ko‘rgazmali plakat, modellar yasash, kuzatish va tarjribalar o‘tkazish kabi tadbirlar amalga oshiriladi.

O‘quvchilar guruhi bilan olib boriladigan to‘garak ishlarda to‘garak mashg‘ulotlari, plakatlar, ekskursiyalar uyushtirish, model, maketlar kabi ishlarni amalga oshirish mumkin.

Ommaviy mashg‘ulotlarga sinf o‘quvchilari qatnashishlari mumkin. Bunday mashg‘ulotlarda «Chizmachilik kuni» kabi kechalar, olimpiada, tanlovlardan, fan soxa vakillari bilan uchrashuvlar o‘tkazish, ekskursiya materiallariga asoslangan ko‘rgazmalar tashkil etish kabi bir qancha o‘quvchilar zexnini o‘sirish kabi grafik

topshiriqlar berish m,aqsadga muvofiqdir.

Demak, umumiy o‘rtta-ta’lim maktablarida tashkil etiladigan to‘garak ishlarini yuqorida bayon etilgan shaklda olib borishda ishning mazmuniga qarab turli usullardan foydalaniladi. Vaholanki, bajariladigan ishning mazmuni, shakli va qo‘llaniladigan metodlari bir-biri bilan bog‘liq bo‘lib, ta’lim-tarbiya ishlarining bir butun holda olib borishini ta’minlaydi.

## FOYDALANILGAN ADABIYOTLAR RO‘YXATI: (REFERENCES)

1. E.Ro‘ziyev, A.Ashirboyev. Muhandislik grafikasini o‘qitish metodikasi. -T. “Yangi asr avlod” nashriyoti., 2010.
2. I.Rahmonov. Chizmalarni chizish va o‘qish. -T. «O‘qituvchi» nashriyoti., 1992.
3. Xalimov Moxir Karimovich, Qo‘ziyev Otabek Esonovich, Esonova Ozoda Otabek qizi. Maktab chizmachilik dars samaradorligini oshirishda o‘quv doskasidan foydalanish metodikasi. Vol. 13 No. 4 (2023): ОБРАЗОВАНИЕ НАУКА И ИННОВАЦИОННЫЕ ИДЕИ В МИРЕ | Выпуск журнала № 13 | Часть-4, 64-68 betlar. <http://www.newjournal.org/index.php/01/issue/view/84>
4. Xalimov Moxir Karimovich, Mashrabboyev Hayotillo Numonjonovich. Increasing Activity By Students Creativity in Drawing Classes. Eurasian Scientific Herald, www.geniusjournals.org, Volume 7. Страницы: 153-159, <https://geniusjournals.org/index.php/esh/article/view/1086>
5. Xalimov Moxir Karimovich, Maxmudova Fotima Shamsiddinovna. Qiziqarli topshiriqlar orqali talabalarda chizma bajarishning dastlabki tushunchalarini shakllantirish. Образование и наука в XXI века Выпуск №18 (том 3) (сентябрь, 2021), 1347-1353.
6. Xalimov Moxir Karimovich. Chizma geometriya va muhandislik grafikasi fanida modulli kompetensiyaviy yondashuv asosida talabalarning fazoviy tasavvurini rivojlantirish. UNIVERSITY 4.0: DIGITAL TECHNOLOGIES AND MODERN TRENDS IN THE EDUCATIONAL PROGRESS. YANGI ASR UNIVERSITETI, 2023-yil 18-mart. 482-484 betlar.
7. Kozim Gafurovich Malikov. THEORY AND PRACTICE OF CONSTRUCTION OF AXONOMETRIC PROJECTS. European Journal of Research and Reflection in Educational Sciences. Vol. 8 No. 9, 2020 ISSN 2056-5852.
8. Kozim Gafurovich Malikov. Axonometry New Practical graphical methods For Determining System Parameters. Psychology and Education Journal, 2021, 58, 2, 5710-5718